

CLARISSIMIS VIRIS
CONSULIBVS FACVLTATIS
MEDICAE ET
Pharmacopœæ in vrbe Florentina,
COLLEGIVM MEDICORVM S.

MAGNA cum ratione prudentiaque à vestris antecessoribus constitutū fuit, viri Clarissimi, vt omnes huius nostræ vrbis Pharmacopœi, in Medicamentis componendis, idem Antidotarij exemplar sequerentur: ne, si qui fraudem committere vellent, facultas illis adimeretur, in eos animaduertendi. Quæ sanè fraus facile latere potuisset, si pharmacopœi Medicamenta sua ad eandem normam componere coacti non fuissent. Hinc factum est, vt qui id temporis Magistratu fugebantur, collegio Medicorum prouinciam dederint, singulas Medicamentorum compositiones, Receptas vulgò appellant, examinandi, ac in vnum quasi corpus colligendi: ijs animaduersionibus adhibitis, quas Medicamentorum cōpositionibus necessarias iudicarent. Et hæc quidem omnia lingua vulgari et vernacula, vt cum his qui in vrbe, tum ijs qui in hac vniuersa ditione sunt, communia essent. Quibus summa cum diligentia peractis, Compositiones omnes quæ in vsu erant, in vnum volu-
men

men transcripserunt, quod in hunc usque diem omnibus Pharmacopœis commune fuit.

Ceterum cum perierit hic liber, & alia pleraque nova Medicamenta in lucem prodierint: iisdem impulsu rationibus, quibus maiores vestri, & vestros Pharmacopœos eandem regulam in Medicamentorum compositione sequi cupientes, Medicis huius ætatis præcepistis, ut, perlecto eo Antidotario quod olim in usu fuit, ea insuper illi adderent, quæ magno cum iudicio euulgata sunt.

Dum autem per omnia vobis satisfacere, ut decet, studemus, ea qua potuimus breuitate & perspicuitate in hunc librum collegimus, quicquid ad munus nobis iniunctum necessario requiri posse arbitrati sumus.

Vos itaque conatum hunc nostrum boni consuleret, & de eo, in Reipublicæ utilitatem, ac Dei gloriam, pro vestra prudentia constituere, etiam atque etiam rogamus.